



Komuna e Prishtinës
Opština Priština -Municipality of Prishtina

KRYETARI I KRYEQYTETIT
14.03/03- 46289/24, më 05 APR 2024

Në bazë të dispozitave të nenit 13 të Ligjit nr. 03/L – 040, për vetëqeverisje lokale (“Gazeta zyrtare e Republikës së Kosovës”, nr. 28/15, qershori 2008), nenit 12 të Rregullores MF nr. 04/2017, dt. 13.6.2017, mbi kriteret, standarde tje procedurat e financimit publik të OJQ-ve, Rregullores 01-020/01-194101/18 të datës 08.08.2018, për ndarjen e subvencioneve nga Komuna e Prishtinës, si dhe të nenit 53 të Statutit të Komunës së Prishtinës, nr. 1 10–391, të dt. 25.02.2010, Kryetari i Kryeqytetit, merr këtë:

V E N D I M

Për shpalljen e thirrjes publike për mbështetje financiare publike të projekteve të organizatave joqeveritare në fushën e shërbimeve sociale, që kontribuojnë në krijimin e një rrjeti mbrojtës social për grupet e marginalizuara, të diskriminuara e madje edhe të rrezikuara, si në vijim:

- Fëmijët pa përkujdesje prindërore e familjare, në rrezik për humbjen e përkujdesit prindëror;
- Fëmijë të keqtrajtuar, fëmijë dhe të rritur në situatë rruge, të bullizuar (ngacmuar), stigmatizuar, dhunën në mes bashkëmoshatarëve, te rrezikuar dhe viktima të krimit kibernetik;
- Të gjitha grupimet e personave (fëmijë, të rritur) me aftësi të kufizuara;
- Viktima e krimit, dhunës në familje, trafikimi i qenieve njerëzore dhe kimeve seksuale;
- Të mbijetuarat e dhunës në familje – riintegrimi dhe fuqizimi;
- Prindërit vetushqyes në gjendje të nevojës sociale;
- Vajzat dhe gratë e marginalizuara në aspektin ekonomik dhe social, në viset rurale dhe urbane;
- Fëmijë në forma të rënda të punës;
- Fëmijët me sjellje asociale dhe delikuentet e mitur;
- Të moshuarit në nevojë për përkujdesje familjare e sociale;
- Të miturit në martesat e hershme, vajzave dhe djemve – parandalimi dhe vetëdijesimi;
- Komunitetet jo shumicë me përkatësi etnike, fuqizimi i kujdesit familjar dhe përfshirja sociale;
- Fëmijët me nevoja të veçanta edukative-arsimore, nevoja logopedike;
- Komuniteti LGBTI+ në nevojë për përkrahje me shërbime profesionale e sociale;
- Abuzuesit e substancave psiko-aktive;
- Familjet në kushte të pafavorshme socio-ekonomike;
- Veteranët dhe invalidët e luftës.

I

1. Për zbatimin e thirrjes publike do të mbështetemi në dispozitat e Rregullores mbi kriteret, standardet dhe procedurat e financimit publik të OJQ-ve.
2. Mbështetja financiare publike për projektet - programet e OJQ-ve, do të ofrohet nga buxheti i Drejtorisë së Mirëgenies Sociale, kodi ekonomik 21200, në kuadër të programit/nënprogramit 75526.
3. Vlera e përgjithshme e planifikuar e thirrjes është 400,000.00€ (katërqind mijë euro).

II

1. Mjetet e përmendura në nenin 1 do të shpërndahen në bazë thirrjes publike për financimin e projekteve të OJQ-ve, sipas dokumentacionit për zbatimi e thirrjes, e cila është pjesë përbërëse e këtij vendimi.

III.

1. Dokumentacioni për zbatimin e thirrjes sipas pikës II të këtij vendimi, përfshinë:
 1. Tekstin e thirrjes publike;
 2. Udhëzimet për aplikantë;
 3. Formularët e aplikimit;
 4. Forma për vlerësimin e cilësisë së projekteve;
 5. Forma për raportimin e zbatimit të projektit;
2. Formularët e aplikimit referuar në paragrafin 1 të këtij neni, janë:
 1. Forma e përshkrimit të programit apo projektit;
 2. Forma e buxhetit të programit apo projektit;
 3. Forma e deklarimit të mungesës së fondeve të dyfishta;
 4. Deklaratat e Partneritetit (nëse është e aplikueshme);
 5. Forma e deklaratës së programeve apo projekteve të OJQ-ve të finançuara nga burimet publike.
3. Formularët për zbatimin dhe raportimin e projekteve të referuara në paragrafin 1 të këtij neni janë:
 1. Forma e kontratës për financimin e programit apo projektit;
 2. Formulari për përgatitjen e raportit narrativ për projektin apo programin;
 3. Formulari për përgatitjen e raportit finanziar të programit apo projektit.

IV.

Thirrja publike dhe dokumentacioni për zbatimin e thirrjes, do të publikohen në mënyrë të plotë në faqen e internetit të ofruesit të burimeve financiare
<https://prishtinaonline.com/drejtorite/miregenia-sociale/subvencionet>

V.

1. Në përputhje me Rregulloren për kriteret, standarde dhe procedurat e financimit publik për OJQ-të dhe udhëzuesit për aplikues, ofruesi i mbështetjes financiare publike do të krijojë një komision vlerësues për hapjen dhe regjistrimin e aplikacioneve, si dhe verifikimin e kushteve të përcaktuara të thirrjes publike.
2. Komisioni vlerësues do të bëjë vlerësimin e përbajtjes së aplikacioneve të projekteve të pranuara, që kanë përbushur me sukses kushtet formale për të qenë pjesë e konkurrimit sipas paragrafit 1 të këtij neni.
3. Anëtarët e Komisionit vlerësues do të punojnë në përputhje me procedurën e përcaktuar në Udhëzimet për aplikuesit dhe rregullat e parapara me rregulloren për financimin publik të OJQ-ve.

VI.

1. Pasi të merret vendimi mbi aplikuesit e suksesshëm, projektet e të cilëve i plotësojnë kushtet për financim, udhëheqësi i institucionit merr vendim për ndarjen e mjeteve për financimin e projekteve/programeve të OJQ-ve.
2. Komuna e Prishtinës do t'i njoftojë përfituesit për kohën e nënshkrimit të kontratave.
3. Përgjegjëse për zbatimin e këtij vendimi është Drejtoria e Mirëqenies Sociale e Komunës së Prishtinës.

VII.

Ky vendim hyn në fuqi në momentin e nënshkrimit të tij.

U dorëzohet:

- Zyrës për marrëdhëniet me publikun,
- Qendrës për shërbime me qytetarë,
- Në dosje.

KRYETARI I KRYEQYTETIT
Përparim Rama

